



ЎЗБЕКИСТОНДА БАНКЛАРНИНГ ВАЛЮТА БОЗОРИДАГИ ОПЕРАЦИЯЛАРИНИ ТАКОМИЛЛАШТИРИШ ЙЎЛЛАРИ



Якубова Саида

Республика валюта биржаси

мустақил тадқиқотчи,

Тошкент давлат иқтисодиёт университети

Абстракт: 2023 йилда жаҳон валюта бозорининг ҳажми 805 миллиард АҚШ долларига етди. IMARC Group келажакка назар ташлар экан, 2032 йилга келиб жаҳон валюта бозори ҳажми 1 466 миллиард АҚШ долларига етишини қайд этган ҳолда 2024-2032 йилларда йиллик ўсиш суръати 6,92 фоиз бўлишини прогноз қилмоқда. Бу каби ҳолатларнинг вужудга келишига халқаро савдо майдонларида замонавий технологиялар интеграциялашувининг кучайиб бориши, валюта айрибошлаш хизматларига бўлган талабни юзага келтирадиган халқаро бизнеснинг глобаллашуви, шунингдек, инфляция, фоиз ставкалари ва ялпи ички маҳсулотнинг ўсиши каби турли иқтисодий омилларнинг таъсири кучайиб бораётганлиги сабаб бўлмоқда[1].

Калит сўзлар: Валютавий своп операциялар, Ўзгарувчан бозорлар, валюта бозори, валюта операциялари.

Бугунги кунда жаҳон валюта бозорида амалга ошириладиган операцияларнинг турлари бўйича тақсимотини таҳлил этадиган бўлсак, унда валютавий своп, тўғридан тўғри форвард ва валютавий своп ҳамда валюта опционлари асосий ўринларни эгаллайди. Валютавий своп операциялари мазкур операциялар ичида энг катта сегментни ташкил этади.

Валютавий своп операцияларининг энг юқори улушга эга эканлиги халқаро савдода ликвидлик ва рискни бошқариш зарурати мавжуд эканлиги билан изоҳланади. Мультивалютавий операциялар билан шуғулланувчи компаниялар валюта курси ўзгариши рискин камайтириш мақсадида айнан валютавий своп операцияларидан фойдаланадилар. Шунингдек, узоқ муддатли валютавий своп битимлари молиявий режалаштиришда барқарорлик ва аниқ кутилмаларни таъминлайди. Тўғридан тўғри форвард операциялари ва валютавий своп битимлари валюта рискларини хеджирлашда фойдаланиладиган муҳим инструментлар бўлиб, келажакда валюта курсларини бошқариш ва фиксирлаш зарурати билан боғлиқдир. Халқаро савдонинг мураккаб тузилишга эга эканлиги ва трансчегаравий инвестициялар оқимининг ошиб бориши билан валюта опционлари, ўз навбатида сальбий валюта курси ўзгариш рискидан ҳимоя қилади. Ўзгарувчан бозорларга хос

бўлган ечимни топиш бугунги кунда валюта опционлари билан боғлиқ операциялар аҳамиятини янада оширишда давом этмоқда.

Ўзбекистон Республикаси Президентининг 2017 йил 2 сентябрь «Валюта сиёсатини либераллаштириш бўйича биринчи навбатдаги чора-тадбирлар тўғрисида»ги ПФ-5177-сонли Фармонининг қабул қилиниши амалдаги валютани тартибга солиш тизимини тубдан ислоҳ қилиш, валюта сиёсатини либераллаштириш, барча тадбиркорлик субъектларига ташқи савдо фаолиятини амалга оширишда тенг шароитлар яратишга қаратилган эди[2]. 2017 йилда бошланган банк секторини ислоҳ қилишнинг фаол босқичи валюта бозорини либераллаштиришга улкан ҳисса кўшди.

Ўзбекистон Республикасининг 2019 йил 22 октябрда “Валютани тартибга солиш тўғрисида”ги ЎРҚ-573-сон Қонуннинг янги таҳрири қабул қилиниши муносабати билан валюта операцияларининг амалиётдаги мавжуд турлари қамраб олинди ҳамда қонунчиликдаги нормалар максимал даражада қисқартирилди[3].

Ўзбекистонда валюта бозорини эркинлаштириш борасида амалга оширилган ислохотларнинг натижаси ўлароқ, Ўзбекистон Республикаси валюта биржасида чет эл валюталари савдолари ҳажми 2022 йилда 20,599 млрд. АҚШ долларини ташкил этган бўлса, ўтган йилнинг мос даврига нисбатан 2023 йилда мазкур кўрсаткич 18,5 фоизга ўсиб, 25,294 млрд. АҚШ долларига етган[4].

Жаҳон валюта бозорлари фаолиятининг сутка давомида узлуксиз фаолият кўрсатишининг таъминланганлиги, тараққий этган мамлакатларда мамлакатларда банк тизимини ривожланганлиги ва Хитой, Ҳиндистон каби давлатларда банк тизимини жадал ривожланаётганлиги валюта операцияларининг амалга оширишнинг муҳим институционал асоси ҳисобланади.

1-жадвал

Жаҳон валюта бозорларида валюта опционлари ва валюта фьючерслари билан амалга оширилган операцияларнинг минтақавий тақсимооти[10], фоизда

Минтақалар	2017й.	2018й.	2019й.	2020й.	2021й.
Осиё	55,9	82,5	85,6	86,4	89,8
Европа	16,0	4,7	5,5	4,4	2,7
Лотин Америкаси	2,9	1,5	1,2	0,9	5,5
Шимолий Америка	25,2	11,3	7,7	8,3	2,0
Операциялар – жами	100,0	100,0	100,0	100,0	100,0

1-жадвал маълумотларидан аниқ кўриш мумкинки, 2017-2021 йилларда валюта опционлари ва валюта фьючерслари билан Осиё минтақасида амалга оширилган валюта операцияларнинг жаҳон валюта бозорларида валюта опционлари ва валюта фьючерслари билан амалга оширилган операцияларнинг умумий ҳажмидаги салмоғи ўсиш тенденциясига эга бўлган. Бунинг устига, мазкур кўрсаткичнинг даражаси 2017-2021 йилларда жуда юқори бўлган. Бу эса, Хитой, Ҳиндистон каби Осиё давлатларида молиявий операциялар ҳажмини юқори суръатларда ўсаяётганлиги билан изоҳланади.

1-жадвалда келтирилган маълумотлардан аниқ кўринадик, валюта опционлари ва валюта фьючерслари билан Европа ва Шимолий Америка минтақасида амалга оширилган валюта операцияларнинг жаҳон валюта бозорларида валюта опционлари ва валюта фьючерслари билан амалга оширилган операцияларнинг умумий ҳажмидаги салмоғи 2017-2021 йилларда пасайиш тенденциясига эга бўлган. Бу эса, мазкур даврда валюта опционлари ва валюта фьючерслари билан Осиё минтақасида амалга оширилган валюта операцияларининг жаҳон валюта бозорларида валюта опционлари ва валюта фьючерслари билан амалга оширилган операцияларнинг умумий ҳажмидаги салмоғини ўсиш тенденциясига эга бўлганлиги билан изоҳланади.

АДАБИЁТЛАР РЎЙХАТИ (REFERENCES)

1. IMARC Group: Market Research Reports. Foreign Exchange Market Report by Counterparty (Reporting Dealers, Other Financial Institutions, Non-financial Customers), Type (Currency Swap, Outright Forward and FX Swaps, FX Options), and Region 2024-2032 (<https://www.imarcgroup.com/foreign-exchange-market>).
2. Ўзбекистон Республикаси Президентининг 2017 йил 2 сентябрдаги “Валюта сиёсатини либераллаштириш бўйича биринчи навбатдаги чора-тадбирлар тўғрисида”ги ПФ-5177-сонли Фармони. www.lex.uz.
3. Ўзбекистон Республикасининг 22.10.2019 йилдаги “Валютани тартибга солиш тўғрисида”ги ЎРҚ-573-сон Қонуни. www.lex.uz.
4. Ўзбекистон Республикаси Марказий банки. Статистик бюллетень - 2023 йил - Б.39.
5. Красавина Л.Н. Международные валютно-кредитные отношения. – М. Юрайт, 2016. – 543с.
6. Эскиндаров М.А., Звонова Е.А. Международные валютные отношения. Учебник. – М.: КНОРУС, 2018. – С. 360.
7. Васильева И. П., Хмыз О. В. Теоретические аспекты функционирования валютного рынка // Финансовый бизнес. – Москва, 2009. – № 2. С. 23 – 33.
8. Жумаев Н.Х. Ўзбекистонда валюта муносабатларини тартибга солиш методологиясини такомиллаштириш. И.ф.д. илм. дар. ол. уч. тақд. эт. дисс. автореф. – Тошкент, 2008. – Б. 24.
9. Бобакулов Т.И., Абдуллаев У.А. Халқаро валюта-кредит муносабатлари. Дарслик. - Тошкент: Sano-standart, 2014 - Б. 107-108.
10. www.futuresindustry.org.
11. www.barclays.com
12. www.cbu.uz
13. ТИФ Миллий банкининг 2019-2023 йиллардаги молиявий ҳисоботлари маълумотлари асосида тузилган.
14. Республика валюта биржасининг 2019-2023 йиллардаги йиллик ҳисоботлари маълумотлари асосида тузилган.

Copyright: © 2024 by the authors. This work is licensed under a Creative Commons Attribution-4.0 International License (CC - BY 4.0)

